



11513

紫氏四隱集叙



長樂郡
振錄西
諸君



余紹墨纒而莅江山蓋嘗俯察民俗以需漸磨聞有
長臺里者共城侯裔居之是為紫氏著名也非著封
也代有賢雋奕葉相輝映為江之望族時公暇披邑
乘稽之以論其世道學則國史禹聲與兄禹功待制
中行節義則銓部天錫承部德載政事則殿中侍御
史瑾大理寺正衛恭議重文學則國史望建昌守隨
亨制泰元亨神童則蒙亨而隨亨元亨一乳所誕俱
以神童料登文、山榜進士非惟後先相望蹕武云
霄而家學淵源貞規樹德抑且流芳竹素矣萬曆己

五余以賑貸饑民即其家在所得四隱公集而讀之
以考鏡其所由即國史望建昌守隨亨制泰元亨其
一則察推元處也任當革命之際上疏直諫忤權奸
意相繼斥逐未几胡元入據物色舊臣而下弓旌公
等守節西山采薇明志跡於檉林九磔之巔而泰
離悠悠之懷每形於伯仲賡詠間如所謂翠華海上
知何似白首山中定自驚之句雖流落不偶而一飯
之頃未嘗忘君直與杜子美同一軌躅使人讀之靡
不慘怛悽惋感歎歎之憂迺其感憤激烈之懷則見
於寄謝疊山二詩慨然有淵明詠荊軻報強羸之志

而且堅疊山以不仕之節蓋詩之有關係世教者非
徒覽物寫景以舒情愔而為章句締繪者也紀乘者
不察迺以文學而掩其節義使本傳不列其何以樹
風教於不窮乎余為之太息者久之公十一世孫復
貞乞言弁於篇首以闡幽德因索必書此畀之而復
命公裔汝招汝貴刊布永垂之不朽
賜進士出身文林郎知江山縣事沛上紫垣張斗序

刻四隱集叙

嘗聞截肪拱璧不終韞卞方流照乘玄珠豈久淪於
赤水蓋圓穹方祗之精粹孕為珍竒以湏入世雖時
有晦蝕而靈光旁達必有識者起而蒐索為之辨鯁
理而第甲乙矧貞義在宇宙間上扶天綱下植入紀
樹德立言足稱不朽有不邁夫知音之賞者乎是以
波流雅調慨歎於鍾期至德徽音揄揚於吳札神感
神感之道不以形骸曠遠而隔若此又何疑於四隱
公之遺集乎四隱公者宋國史秋堂公建昌大夫瞻
崧公制叅吉甫公察推澤耀公也四公仕當革命之

際鷓鴣悲鳴衆芳萎歇各抱杞國之憂流涕陳列而
為權姦所擯遂乃相與趣跡林莽歎時事之已去悲
故宮之寂寞黍離愔愔之德每形於伯仲賡詠人以
是稱為柴氏四隱云已而胡元魁闕據有中夏物色
舊臣抱琵琶過別船者殆紛如馬公等自以宋室遺
黎恥事二姓並不應徵辟益深潛遠引於櫟林九磔
之巔論者以為得魯連義不帝秦之心自宋迄今凡
三百餘禩矣而孤忠偉節有如綿葛明興加靖年間
大司馬克齊李襄敏公之嚮日博稽故實尚論一方
先哲以光郡乘未幾遷官去逃想高義躬揮史必以

紀其事念菴羅太史書之用勒於堅珉文載郡志中
萬曆丙戌宗師紫溪蘓公按嚮試士之暇諮訪鄉賢
以樹風教移文查取四公實行遺文族衆蒐之蠹簡
中得其詩文若干首而吉甫公集屢經兵燹無復傳
焉繕寫成帙以徇呈請丁亥初秋男日新於試事畢
復請於蘓公行臺蒙命學師取勘而同族某方援旌
葆室不余聽也陰緯繡之事遂寢嗟以四公之內
美修能不售於世而侘傺無聊似屈大夫雖遭擯逐
而愛君憂國念之不忘似杜少陵却胡元物色而避
地守貞似陶彭澤故其發之詩歌感憤激烈真足以

淒淚千古所謂節義文章宜與三公並傳矣顧迺掩
掩懸瓌之夜色韜垂棘之清光直至蘓李二公始昭
揭於突與間蓋雖未登俎豆而一經品題亦不謂之
知音之賞矣叔氏汝招汝貴蓋嘗實力於鄉賢之舉
莫考思有所慰也而弗竣厥事乃謀垂之不朽因捐
貲命歌刷氏刻之庶几後之賢而有力者邇祖德之
幽光而於鄉賢之祀或再舉焉則斯集也亦少為之
一助云萬曆戊子十一世孫復貞序

宋國史秋堂公詩集叙

詩莫盛於唐尚矣唐之詩燕許陳宋肇其源高岑王
孟暢其流嗣後累々迭出爭相軋滕非不傑然皆名
家也然言唐詩者類以李杜為稱首何哉蓋天寶之
間國事顛覆太白少陵日擊時艱激烈於心而託之
辭直述興致迫切情實其間雖出入馳驟於煙霞水
月之趣而愛君憂國其所根柢者居多是故上參天
道下植人紀中扶世道風雅以後不可少也二家以
後言詩者吾感焉西崑香奩纖穠妖冶之音作於是
拙黃對白薇花拾艸者寔以昌焉詩道於是乎亡矣

嗟乎其尚有知詩者哉余讀宋記紫國史詩集而知
詩道之有在也公詩秉於忠義而獲於危迫擣詞琢
句動諧音律雄豪超逸如天馬之騰空瀟灑清揚如
春花之映日就其所造之深直能卑視近代而與唐
之諸名家相上下矣至其詩之所以至者則又上楫
李杜之精英而性情法度不啻自其胸中流出蓋雖
聲氣所鐘各自為家而其志之所之則皆出於時事
之所激而倫理之所關固有曠世而相感者也誠以
宋之季視唐之天寶為愈危而公之所遭遇於婆緜
黍離之思為尤惘焉宜其發之憤且激也然則公之

詩豈可以淺：觀我知公之詩者要當知公之心則
太白少陵不足問矣予過江即訪公遺跡公從姪季
武出公集若干卷祈余叙余素慕公高義又加季武
之請因遂書之公詩有道以白衣集咏史詩涼州鼓
吹在公生時已盛傳於世兵燹日久散逸不次茲錄
其遺存者若此云至正四年七月既望襄陽楊仲弘
叙

柴氏四隱集目錄一卷

五言律

吳樵溪山居

宿湖外

月夜溪庄訪舊 縣誌增

七言律

詔許出獄呈京尹趙公

富陽道中

錢塘

送馬太初之越

秋堂公著

金臺泊舟

山居

靈芝寺別祖席諸友

和周居易見寄韻

越王勾踐墓

戒珠寺右軍宅

和王景陽寄別韻

鳳皇臺

多景樓

別故人

信菴

富春嚴子陵祠

越山

重到都門效轆轤體

奇氣樓

西湖

金山寺

石頭城和王寧翁韻

山陰蘭亭

送葉若磯之金陵謁

呈中書權直程滄洲

歸來

寄徐編校

金陵秋赴別江壽翁

高齋晚望

客中夜雨

江心寺

送朱南山開蜀閫

蘄州別友

陵閫

和通判弟隨亨書感韻

元彪韻

掬泉軒

晚望臺

七言絕句

夢傳說

重題黃鶴樓

別永加史君趙致軒

送監丞弟元亨泰江

即事

中秋待月用弟察推

白雲莊四首 縣誌增

平溪堂

懶歸閣

西施

范蠡

沛中歌

長生

子陵臺

淝水

上古忠齋丞相四首

古風

塞下行贈韋士頴歸部渚上江陵謁閻相

道州台衣集自叙

詩餘

長城

雲夢

蕪武

昭陽殿

除夕對梅

摸魚兒

祝英臺

摸魚兒

摸魚兒

賀新郎

涼州鼓吹自叙

文類

進丙丁龜鑑表

和歸去來辭

齊天樂

陽關三疊

念奴嬌

滿江紅

念奴嬌

丙丁龜鑑序

啓

謝天尹節齋趙公啓

崧山書院上梁文

秋堂公墓誌銘

四隱集目錄二卷

五言律

宿袁州楓林即

瞻岵公著

題白雲菴

旅舍聽雨

七言律

獨倚

江行即事

過道州謁濂溪故居

晚春即事

越鎮山樓

客中春晚

金陵懷古

春詞

偶題

和姜居仁感時韻

五言絕句

感題

昭君圖

七言絕句

九日客金陵

春詞

錢塘寒食

題趙葦江雁蕩圖

寄疊山謝年丈二首

移松

雨春

喚渡

濯清

古風

憶昔

韻

五言律

姜林居別業

丁丑偶成

僧房夜冷

七言律

游江郎山

及第留吳門訪史君黃松岡

和趙元鼎錢塘懷古

建昌公墓碑

澤臞公著

錢塘懷古

別江湖友人

目錄

四

登衡山宿上封寺

勉制幹姪克家歸

和同年徐清溪韻

韻

和悅嘯雲雙插法藏寺韻

和克家姪謝周鳳隱中留宿韻

和姜中哲中秋有感韻

送剡中兄之官山陰

駕

別茶陵士友

秋日江郎道中

和僧彰無聞送花蘭

寄括蒼李察院

游瓌源寺和韻

餞吉甫弟之維揚別

七言絕句

目錄

五

觀梅

滬麻

灌花

里社

上中齋相公

古風

和鳳周隱止酒韻

紙帳吟

同朱山長游江郎

人心吟

老農吟

寶鏡吟

擊壤歌

送姪一齋游武林

襪線稿自叙

附

詩餘

唱金樓

水龍吟

踏莎行

蝶戀花

蘓幕遮

海棠春

惜分飛

高陽臺

四隱集目錄畢

按集名四隱而目錄所載實止三人其所謂制叅吉甫公元亨則無一字何也豈刻本原完而輾轉鈔錄遂失之歟

柴氏四隱集

宋國史秋堂柴望著

十一世孫復貞編次

五言律詩

吳樵溪山居

老子無家計蕭然屋數間
頭邊惟白髮眼底是青山
暮急鳥聲散琴低鶴睡閑
片雲長似伴朝去暮飛還

金臺泊舟

欲謀歸去計歸去更奴
王化何時北江流日夜東
片帆山共水竟夕雨和風
時事只如此相催成老翁

詩

一

懶入城中去來維栢下舟空江明月上殘雨夕陽收
好景多歸夜他鄉易得秋倚梧吟不盡樽酒更登樓

山居

老來無一事僮與鷓相隨繞屋疎竹編牆短
起來花換影知疑去睡多時莫厭山居寐山人自宜

七言律詩

詔許出獄呈京尹節齋趙公

臣子狂愚獻直言聖明寬大度如天十封應詔皆焚
橐一片憂時祇似茲救象逢丁陽九厄元龜為鑑後

千年今朝有旨從天下知起到長沙到席前

靈芝寺別祖席諸友

落日寒城暮雨餘滿斟離酒意何如見妻還指張儀
舌痛國誰憐賈誼書羸馬病僮夜催倩寺禽山猿亦
秋殿長安可是深居處更向深山深處居

富陽道中

幾年只向長安去今日囊書被旨回馬首獨行秋葉
路鱸魚時共菊花懷黃昏鐘動雁初下夜半月明朝
正來我有不歸心便得故園早晚早梅開

和周居易見寄韻

詩

二

十年為客上長安人指冰山不會寒開口盡言投老
易到頭只是為冠難低樓屋宇居常穩小築園池坐
儘寬別有前溪魚可釣也須栽竹倚闌干

錢塘

不記錢王建國年疑尚遺強弩射潮痕地迴王氣歸
吳分山挾潮聲出海門南渡幾年猶昨日西踈湖影
自黃昏客來獨凭欄千處時聽漁歌過遠邨

越王勾踐墓

秦望山頭自夕陽傷心誰復賦淒涼今人不見亡吳
事故墓猶傳霸越鄉雨打亂花迷復道鳥翻黃葉下宮

墻登臨莫向高臺望煙樹中原正渺茫

送馬太初之越

一去山陰一冉溪如何還只恁分攜雨無聊賴入無
寐水又潺湲鳥又啼明日不知君上馬中宵誰與共
聞鷄去時應有蘭亭句為我臨池授必題

戒珠寺右軍宅

蒼樹寒煙兩渺茫後來誰此弔興亡晉朝風物今流
水蕭寺鐘聲幾夕陽話燕梁空春雨急愛鷺人去暮

山長學書弟子知何在風過池塘墨尚香

和王景陽越中寄別韻

故人書只問平安已分還山豈願官猿鶴不驚松徑
夢貂蟬難換竹皮冠長安落葉秋深見故國斜陽雨
後看莫道剡中吟不盡不成吟處亦停鞍
荻花蘆葉正珊珊在長江寺在山門徑但從船出入
僧房多住水中間江空落日斜猶照夜半秋潮去復
還吟興未闌天欲曙一行斜鴈起蒼灣

鳳凰臺

灑盡梧桐酒一杯興亡前事獨徘徊烏衣丹_下斜陽
下白鷺茫茫江水來鳳去不知經几載客來惟只見

高臺閣於登眺成孤嘯五百年間王氣回

石頭城和王寧翁韻

懷鄉弔古易傷心絕頂危亭共客臨朝市曾經兵火
後山川轉覺樹雲深百年無舞空臺沼六代豪華漫
陸沉惟有亂鴉歸去晚夕陽無限暮城陰

多景樓

早被垂楊繫去舟五更潮落大江頭關河北望几千
里淮海南來第一樓昔日最多風景處今人偏動黍
離愁煙沙瀕洞翻蘋未欲倚西風問仲謀

山陰蘭亭

詩

四

寂々山陰事已塵至今亭址尚嶙峋落花時節朝
雨插柳人家處春曲水自流寒夕酒茂林無復永
和入昭陵繭紙今何在空有梅花點翠珉
便未成名也自歸不應猿鶴更猜疑冷看世事頻移
局懶與仙人共奕棋南渡只今惟有酒興西臨別是
誰詩行藏正要知時節却是時人未得知
一片斜陽落渡頭青袍烏帽獨登樓江流建鄴三千
里山色淮南數百州都督正開羊祜府誰人得上李

膺舟此行不為揚州鶴一字猶堪萬戶侯

呈中書權直程滄洲

玉旨傳宣夜直扉制麻侵曉進呈歸三槐龍影連青
瑣千柳鶯聲度紫薇袖惹爐香飄霧靄硯傳盤露映
旌旗承恩更賜金蓮炬猶勝清光太乙輝
富陽嚴子陵祠
素曰何處海漫漫耕墉傳聞建武間真主不緣符白
水先生安可飯青山至今衰草遺寒燒此日秋江起
暮鷗萬里崎嶇祠下路不知行役幾人閑

歸計年來付酒杯，任他猿鶴自相猜。
東家種竹西鄰看，前日移花昨夜開。
鐘送夕陽歸草木，風吹涼月上樓臺。
老來懶聽他家曲，惟看柴門長綠苔。

越山

吳越山分兩岸青，遙帆影是西興江。
花歷亂如紅雨，嶺樹高低似畫屏。
錢氏故鄉迷鳥越，王芳草上諸陵已。
知太乙臨吳分曉，看洋鳥夜看星。

寄徐編校

近傳丹詔下彤墀，夜鶴寒猿也自疑。
江上晚風終是急，山中白日一作石最相宜。
潮生潮滅鷗先見，花落花飛

開蝶未知懷玉山人，如問我爛柯山下看圍碁。
重到都門傲轆轤，休

兩年不作京華夢，重到湖山事已非。
柳外晚風寒夕節，花間天氣雨晴時。
欄干獨凭鶯飛去，簾幙低垂燕歸欲。
託蕉桐理心事，滿庭芳草又斜暉。

金陵秋赴別江壽翁

憶向西風折翅歸，每忻黃菊滿疎籬。
十書詣闕無知已，千里離家有路岐。
歲月易驚孤客夢，文章難比少年時。
荻花蘆葉休淒怨，自有新開寶桂枝。

奇氣樓

此齋全占崧高勝更盡樓前第一奇
芳草碧連天水處數峰青
斷暮煙時山川不逐陰晴
換宇宙閒看歲月移琴已懶
彈書懶讀一簾花影詠春遲
章巖山也纔是青山便卜鄰
世情那得較紛紜露涵遠岫
分為雨煙起人家去作雲柳
色晴光扶檻入鶯聲人語隔
窓聞高齋獨捲重簾坐花
落暮床日未曛

高齋晚望

西湖

年々柳眼青歸處門外遊人可自閑
天氣又晴了又雨樓臺依寺
依山酒邊歌拍穿花外船上
簫聲落

水間光景留連空自惜鷓鴣啼罷暮城闌

客中夜雨

離情先怯向邊州寒葉敲牕更報秋
幾點攪殘千里夢一聲滴作兩鄉愁
苦綠楊柳沾離席偶倚梧桐澗小樓
惟有孤燈照明滅夜深無語攬重裘

江心寺

寺北金焦徹夜開一山恰似小蓬萊
塔分兩岸波中影潮長三門石上苔
遺老為言前日事上皇曾渡此江來
中流滾滾英雄淚輸與高僧入定回

重題黃鶴樓

自從崔顥題詩後更有何人吊禰衡芳草不知鷓鴣
恨晴天惟見漢陽城樓頭月落酒方醒岸口風高鴈
正鳴五百年前黃鸝去閒尋鷗鷺訂詩盟是曾與此
送朱南山開蜀閫
殿上傳宣內引官一封歷歷奏忠肝八千里路先聲
至百萬都人夾道觀節度晉公先授鉞淮陰韓信舊
登壇擊天正要中流柱莫擬人間蜀道難

別永加使君趙致軒

一番出處計何如流泊中川不為漁落日淒涼秋老
矣西風浩蕩客歸歎吟成白髮逢知己費盡黃金買

古書明發灞橋上路藉君帆力更吹嗟

蘄州別友

客中逢客上夷陵輾轉淒涼睡不成無酒送君之遠
道有誰吹角向江城白髮亂生人漸老青燈相對兩
無情詰朝共發蘄州岸知到江山更幾程

送監丞弟元亨奉江陵閫

北虜纔聞郭子儀上流決有退師期諸公但醜臨江
酒老子祇圍別墅棋露布夜傳誅韃靼蠟丸便遞破
符離書生已辦平淮表先寄鵲鷓原上詩

瀕洞風塵莽未明天翻地覆劫將盈翠華海上知何
似白首山中空自驚笑向鶯花非世界夢迷弓劍繞
皇陵誰知薇蕨同盃酒為酌興亡終古靈

和通判弟隨亨書感韻

風沙萬里夢堪驚地老天荒只此情世上但知玉蠟
義人間惟有伯夷清堂前舊燕歸何處花外啼鶯月
幾更莫語淒涼當日事劍歌泪盡血霑纓

中秋待月用第察推元彪韻

待月高樓月不明百年虛負此宵情浮陰亂向空中
起圓影偏從塞外清江國滿淒露氣山城處動

笳聲何人獨抱琵琶坐淚滴水絃暗恨生

白雲莊四首

江山志增四詩係趙抃詩見
趙清獻公集江山志誤蒨飲居

士陸飛記

掬泉軒

好山深處靜開軒目送孤雲手弄泉枕石堂無金玉
富濯纓家有子孫賢初尋舊隱逢三伏已發新吟僅
百篇聞說夜分頰暑散涼颺渾似素秋天

平溪堂

亭號休工古退藏豈如溪上構虛堂坐邀城市真瀟
灑却謂江湖太渺茫下必新題無俗事攜筇野服是

家常臨流最有清風快未見古人心已涼

晚望臺蘇軾詩治圃我依浮石灘築臺君占白雲山

外百里同風咫尺間峯黛陰晴長點溜琴朝夕自

潺湲休官誰道何曾見林下如今兩處閒

懶歸閣

溪流回合逗方池軒檻前臨直翠微紫陌紅塵行不

顧白雲青嶂坐忘歸方榮即隱誰能繼未休官世所

稀我昔凌雲登閣會主翁留散疑見蟬暉

七言絕句

夢傳說

傳說為霖寤寐中高宗一念與天通後來亦有君王

夢不是陽臺便月宮

西施

十二金釵對一鋪三千粉黛膩如酥君王莫道六宮

醜一箇西施已沼吳

范蠡

五月菰蒲八月秋年清酒醉江頭伍胥忿怒三閭

怨爭似鴟夷一釣舟

長城

漢：沙場萬里選千夫一日起臨洮洮若無道德為千
櫓更是秦人築久高

沛中歌

秦時日月漢山河家計今誰與仲多天子不知天下
貴酒中惟唱沛中歌

雲夢

紀生尚可稱皇帝韓信何妨作假王今日偽遊真是
偽只因一躡誤高皇

長生

武皇何事駕虛空金闕求仙路未通王母不來方士
去茂陵可是廣寒宮

蘇武

十九年間不辱君論功何獨後諸臣若教倒數凌煙
像也是當時第一人

子陵臺

魯與劉郎共起居如何不肖受除書最憐人笑先生
錯正好為官却釣魚

昭陽殿

渦水流來漢火亡白頭宮女恨昭陽至今人見飛來

詩

上

燕猶為君王暗斷腸

淝水

想見西風對壘時
目中先已料安危
淮淝百萬兵雖
眾未抵東山一局棋

除夕對梅

青春無復駐
年華幾度江梅暗
憶家惆悵新愁添
白髮鬢邊如雪映寒花

上忠齋丞相

世事篙人一葉舟
長歌短棹發中流
今朝正得東風
便纔是西風便轉頭

爛柯山下採樵民
盡日觀碁局
新黑白兩般都着

過後來一著要高人

江南江北路迤邐
往事東風恨未消
昨夜杜鵑啼不
了始知春在洛陽橋

九陌紅塵撲帽紗
囊書幾度進官家
近來不甚知時
事只是栽桑不種花

古風

塞下行贈韋士穎
歸鄂渚上江陵
謁閫相

夫運惟幄籌草軍
前檄毋但白面書
生之未學也馬上
撲鞭隨從軍樂後
誦弔古戰

塲文使驚亂石相顧駭愕者此重食武昌
魚後會公案

長安二月春正濃長江二月風正急城頭楊柳雪絮
飛道傍黏雨沉潦濕邯鄲誰家使少年上馬意氣揮
金鞭下馬掃必大如椽興來一石未能醉劇飲數斗
口流涎玉山跌倒扶不起金鞭畱當酒家裏隔樓彷彿
畫眉人相邀夜宿鴛鴦被睡魔不醒五更鐘笛聲
吹斷相思淚嚶嚶鷄鳴將渡關欲去未去踟躕問道
逢項莊把劍無樓上美人歌玉環劃然掣電蛟龍怒
便指南樓問歸路二千三百里更長爾僕衣糧戎靡

屨青衫著破不堪典到青衫共誰語世上豈無蚪
鬣漢散財結客千萬豈無燕照萬黃金築作高臺
禮環彥秦坑漢罵不宥收自是一番遭薄賤唐人科
舉更糊名天下英雄消阻盡生兒不學去封侯錐毛
弄秃成霜鬢世無荆軻樊於期只今誰復是男兒我
聞兵凶戰危事愁殺天上蚩尤旗人心承平易思亂
中原瑰土爭驅漢蔡城未下關疑未謀機來一髮不
容間三邊未即妖祲清天河時能洗兵送君不作斷
腸客三尺一騎君西征臨歧酌酒再三語今日君王
自神武此行投必事班超不必區區問兒女上流夜

夜雨如箭下流砲火驚淮甸襄師重屯郢州北淮師
未解長江直勸君莫賦橫梁詩樓頭正要籌邊策軍
前一著天下奇夜斬樓蘭無人知露布直到天子墀
六宮歡動龍顏怡惟清象武獻太廟未央前殿稱玉
卮舉旗斬將不足道運籌帷幄果謂誰曰何功第一
參次之噫吁嘻帝命我公歸衮衣以上元本
月夜溪庄訪舊

山：明月路何處認梅花石色冷疑水溪流白似沙
清吟幽客夢華髮故人相見即歸去已應河漢斜
詩永增

道州白衣詩自序

道州白衣云者短而不佳之謂也白衣可著道州者
不可著白衣可賣道州者不可賣不可著不可賣謂
之短而不佳也亦且侏儒弄戲衫俳優曳練羣觀者
適以捧腹余詩類是故曰白衣嗟乎學詩四十年吟
咏數千首求其優柔和平哀樂中節可以詔來學而
有關乎世教者蓋百不一二也但其間所以有可存
者則以感時對物撫景傷情於要不懈緯之心彼黍
離之懷非此無以自託有不可已者在焉是則猶
有取也詩凡三變丙午歸田為一變壬子渡江為一

變庚午汎舟赤壁又一變二十七年間凡三變數千
首中刪餘僅二百暇日取刪稟更閱之猶未盡惟初
意況望追風雅之萬一手然則詩難矣哉安得不以
道州台衣名宋通臣柴望識

柴氏四隱集

宋國史秋堂柴 望著

十一世孫復貞編次

詩餘

摸魚兒

丙午歸田巖灘褚孺奇席上賦

問長江幾分秋色三分渾在煙雨何人折盡絲柳
此日送君南浦颿且住試說看羊裘釣雪今何許魚
蝦自舞但一舸蘆花殺聲霜箱鷺來自去年事
流水朝暮天涯長難飄聚食寒不轉釣天夢樓
外誰歌白紵君莫訴君試按秦箏未必如鐘呂鄉心

寂若算只有娟娟馬頭皓月今夜照歸路

齊天樂

戊申百五王野處酌別

青上楊柳絲絲雨他鄉又逢寒食幾度劉郎當年曼
情迤邐水邨煙驛尋踪訪跡正馬上相逢杏花狼藉
惟有沙邊舊時鷗鷺似相識天涯流浪寂久十年
何所事幽懷歷歷換字鶯歸看梅鶴去回首征衫浹
漬新懽舊憶笑客處如歸處如客獨倚危欄亂山
無教碧

祝英臺

丁巳晚春訪楊西邨湖上懷舊

小船兒雙去櫓紅濕海棠雨燕子歸時芳草暗南浦

自從翠袖香銷明璫聲斷怕回首舊尋芳處向誰
語可憐金屋無人冷落鳳簫譜翠入菱花蛾眉為誰
撫斷腸明月天涯春風海角恨不做楊花飛去

陽關三疊

庚戌送何師可之維揚

西風送鬢殘髮早星下嘆故國斜陽斷橋流水滌悴
本無憑但朝朝纔雨又晴人生飄聚等浮萍誰知梳
葉千古是離情正無奈點點離情渡頭煙暝愁殺
渡江人傷情處送君且待江頭月入共月千里難并
笳鼓發戍雲平此夜思君腸斷不禁儘思君送君
立盡江頭月頭月奈此去君出揚州縱有明月無酒

酌故人奈此去君出揚州明朝無故人

摸魚兒

寶祐甲戌春賦

這情懷怎生消遣思量也只是凄怨一春長為花和
柳風雨又還零亂君試看便杜牧風流也則腸先斷
更深漏短更聽得杜宇一聲一功流水画橋畔
人間世本只陰晴易換斜陽裏草何限悲懽畢竟年
事千古謬嗟修短無處問自閑倚簾櫳儘日厭厭悶
浮名盡懶但笑拍闌干連呼太白心事付歸燕

念奴嬌

丙辰寄錢若州

奴已別去算別來又是幾番春暮酒債不償還似可

負了若干吟句渭北春天江南夜雨總是傷情處黯
然消歇綠楊一陣鶯語空記十載嬉遊如今驀地
兩處成離阻縱是相逢天涯路難覓年時懽侶寄語
東君歲華不駐誰為留春住小樓昨夜東風依舊飛
絮

摸魚兒

景定庚申會史君陳碧樓

便無他杜鵑催去匆匆春事能幾看來不見春歸路
飛絮又隨流水留也是怎禁得東風紅紫還飄墜天
涯萬里帳燕子人家沉一夜雨添得斷腸淚
嬉遊事早覺相如倦矣謝娘院庭猶記閑情已付孤鴻去

依舊被鶯呼起誰料理正乍暖還寒未是晴天氣無
言自倚想日桃花而今人面都是夢兜裏

滿江紅 別滄洲趙茂仲

載酒何人登臨處滄洲空闊凭闌外晴楊兩岸晚煙
淡水鳥不知梁燕去溪山半屬冬青閣有小舟隱
約載歌妹調新曲留與去如何得風又雨催汗色
共白蘋紅蓼好生飄泊別後三年重會面人生幾度
三年別正鄉心客夢兩綢繆城頭角

賀新郎

滿酌西湖酒覺湖山依然未老遊人如舊數過清明

纔六日欲暖未晴時候正画舫春明波透記得名園
魯駐馬鞍韉淺映堤橋柳尋勝賞重回首不妨旋
摘枝頭有喜青_一垂丸帶子脆圓如豆想是和羹消
息近報與醉翁太守道玉筵有人啓奏紅葉當階明
似錦覺嬌鶯舞燕昏稱壽唱此曲付紅袖

念奴嬌 山河

登高回首歎山河國破於今何有臺上金仙空已去
零落逋梅蕙柳雙塔飛云六橋流水風景還依舊鳳
笙龍管腸斷何人重奏聞道凝碧池邊宮槐葉落
舞馬嘶杯酒舊恨一作春風吹不斷新恨重_一還又

燕子樓高樂昌鏡遠人比花枝瘦傷情萬感啼血暗

雲襟袖

前調

絕妙好詞增

春來多困正晷移簾影銀屏深閉喚夢幽禽煙柳外
驚斷巫山十二宿酒初醒新愁半解惱得成憔悴鬆
鬢云鬢不收鸞鏡梳洗門外滿地香風殘梅零落
玉糝蒼苔碎乍暖乍寒渾莫擬欲試羅衣猶未鬪草
雕闌買花深院做踏青天氣晴鳩鳴處一池昨夜春
水

涼州鼓吹詩餘自叙

涼州鼓吹山翁詩餘彙也詩餘以鼓吹名取諧歌曲

之律云耳夫詩可以歌功德被金石而垂無窮其來
尚矣自蕢樗土鼓泄而韶濩桑間濮上轉而鄭衛玉
樹後連變而霓羽於是亡國之音四正雅之道熄悲
夫詞起於唐而盛於宋之作尤莫盛於宣靖間美成
伯可各自堂奧俱號稱作者近世姜白石一洗而更
之暗香疎影等作當別家數也大抵詞以雋永委婉
為尚組織塗澤次之呼嘯叫囂抑末也惟白石詞登
高眺遠慨然感今悼往之趣悠然託物寄興之思殆

與古西河桂枝香同風致視青樓歌紅牕曲萬矣
故予不敢望靖康家數白石衣鉢或髣髴焉故以鼓
吹名亦以自況云爾幸同志者諒之宋道臣柴望識
昔有騷客張雲谷見公集評云憂國聲詩足追大
雅在時諫草可續三謨識者以為確論至其餘詩
諸稿可與美成伯可比肩顧自謂髣髴白石衣鉢
者謙詞耳日新嘗記數閑每對諸名家誦之靡不
傾耳悚聽惟恐其易盡也萬曆丁亥舉祀鄉賢於
蠡簡中蒐得十首然多亥承之誤考而正之錄呈
學使蘓公云十二世孫日新識

柴氏四隱集

宋國史秋堂柴望著

十一世孫復貞編次

文類

進丙丁龜鑑表

臣望伏以正次王、次春頌萬民之治象史載事
載道有前代之元龜匪明氣數之興亡曷示始終之
勸戒言非所當罪不容誅臣竇惶實懼稽首頓首伏
念臣賦性至愚讀書甚少自憐孤苦獲際休明念先
世之孝廉本故家之崇義娶不恤緯憂在宗周值災

見行夏之朔正運當晉厄之年是殆水陰幾勝天德
信知有教決非偶然苟曰無之胡為至此痛思今日
莫返頽波尚論古人其垂成鑒秦漢之君以下千有
餘年方冊之政可尋十常九矣棲燈勘義滴露研朱
姑援實以斷時宜非飾說以冀天聽矧君子難進而
小人之根未痛絕天理難明而人欲之蠹未盡消中
國或厄於外夷大綱未聯於小紀四方戚之靡問
萬民嗷之而不安輔成有賴於大臣所重尤關於太
子伏望皇帝陛下体純乾之一法震主之宜闡大學
之明謹中庸之獨必安國本以安社稷必正君心以
正朝廷當自九重首圖勵精之治毋使億兆玩聞梗
化之言臣忍死籲天惜身無地今來古往治日少而
亂日多主聖臣賢前車覆而後車戒臣無任瞻天望
聖激切屏營之至謹具表捧詣天廷上進以聞

丙丁龜鑑序

臣望聞以鏡為鑑可知妍醜以人為鑑可知得失以古為鑑可知治亂人主任社稷之重寄係億兆之休戚其於歷代之盛衰尤當究心者故人主不可不觀史則敬省之功深而是非之鑑明其裨益於治道可勝言哉昔唐仇士良教其黨以固權寵之術曰天子不可令閑嘗且以奢靡娛其耳目無暇他事則吾輩可以得志勿使讀書親近儒生彼見前代興亡心知憂懼則吾輩斥矣士良為計不欲人主讀書正欲愚人主之耳目蔽人主之聰明也巧矣哉臣區愚以忠

赤無以自見每有娶不恤緯憂宗周之心況當丙午
丁未之厄歲而又日蝕元旦昭示譴告殆知祀國憂
天不違寧處臣不佞遂徧搜諸史竊以為是歲為厄
從古而然帝王之世史籍略而不書今自秦漢而下
數之至於五代為丙午丁未者凡二十有一上下通
一千二百六十載災異變故不可枚舉獨漢延禧丙
午朔日有蝕梁太康丁未朔日皆蝕信乎陰陽之有
數也然數生於理之有是非得失則數有吉凶禍福
自昔災異之變未有不兆於人為者帝王盛時格心
有道則災異踈帝王以後格心無術則災異密丙丁

之厄也其厄於延禧者以延禧之時小人之厄君子
也其厄於太康者以太康之朝夷狄之厄中國也臣
故採摭其實目曰丙丁龜鑑釐為十卷各有事之
各有斷凡所以致變之因與消變之由者疑是瞭然
在目則求天於天者果不若求天於我求數者果不
若求數於理是為得之亦知有天下者知天根於我
數根於必於是書而盡見且知人主不可一日不觀
史也臣故總其說而為之序

按戒菴漫必理宗淳祐中書省奏名臣柴望攬
州人撰丙丁龜鑑言丙午丁未自古多變厄凡二

子有一為十卷

此卷為十卷... 陶靖節辭豈易和哉... 歸去來辭... 陶靖節辭豈易和哉... 歸去來辭... 陶靖節辭豈易和哉... 歸去來辭...

和歸去來辭

陶靖節辭豈易和哉歸去一篇悠然自得之趣也無其趣和其辭而已坡仙之作

皆寓所寓各適其適有趣焉不為辭也余

動心忍性於歸田之後視得喪榮辱若將

脫疑是馬暇日趺坐柳陰吟咏陶作與灘

聲風瀨互相應答知山水之樂不知聲利

之為役也悟而得焉遂和其韻景與復並

歸去來為買山無錢吾何歸望故鄉以迢迢對秋風

而堪悲覺吾老之將至難年久之復追知今日之計

得視昨事之俱非春悠已兮無際紫冉已兮衣奚浮
漚之上下隨朝露之霏微人生過隙如駒一作斯奔
堂有白髮終朝倚門故山無恙猿鶴猶存晨興剪韭
時乎開尊邀明月以同飲對春花以配顏問梅友之
消息報竹君以平安水循除而滌已鳥幽鳴而闕已
寄白日之笑傲何浮雲之足觀魯無得而無喪任飛
去而飛還將羲皇之向上已何為乎齊桓歸去來兮
若秉燭而夜遊殆形骸之役已果何競而何求知樂
吾之所樂奚憂人之有憂扣白石之朝歌而飯牛於
云疇各飄瓦身如虛舟一死生為大幻委塵世乎糟
丘觀今昔以隨化付長江之自流思遊者之既倦盍
聞早而休已已矣乎亦視夫行藏之時以決吾之去
留胡為乎莫知其所以取舍無所適賢否同襟期譬
植者之必獲乃稂莠而弗辨聊一觴而一詠撫良辰
而賦詩以靜觀乎物表奚復疑人之我疑

謝太尹節齋趙公啓

詔劉黃以應賢良萬死觸雷霆之怒救范滂而歸田
里生再蒙天地之恩方憂危於黑風大海之中忽吹
送於黃河崑崙之上道將行而吾知有命人欲殺而
公獨憐才是為頂踵之知夫豈毫髮之惠驚魂浪定
感涕雨流嘗觀天子聲名文物之區實為多士衣冠
禮樂之地甫遊長安市吟累千餘愈在京師時書凡
三上二鳥感潼關之賦一騾出蜀道之難使醉成狂
嚴府尹容而不殺哀窮見屈李京兆惜有其子固能
養成二子之名抑且仰見三生之造論前賢之至此

且近世之所無誰有如公加惠於我茲所持以無恐
故又為於此來望無天過人自小好學以孝廉之世
譜繼崇義之家聲字不充飢清至徹骨屢掇主司冬
烘之誚已無舉子秋風之心每浩々以長歌或飄々
而引去白蘋紅蓼几窮吟咏之情綠水青山半是經
行之處雖非子長之歷覽亦為李賀之偉觀人笑其
狂自謂之得晝長寢熟卧蘆花之絮衣在半燈殘膏
松明而讀史理亂成敗之迹如觀艱難變故之慮轉
深飛向東風頗識岸移之勢扇遮赤日亦因路熟而
來方誦元和聖德之詩忽覩建武詔書之下奏呈色

鑑敢櫻龍額之鱗事忤貂蜩增致觸螳車之怒白壁
初不疑其別肘足青蠅亦何意於刺讒衆煦漂山冷
灰燈豆堪笑指鳥為鸞之誤深恨握蛇騎席之驚咎
在轉瞻罪當犁舌繫李膺而下寺獄夫亦何辭謂真
卿之訕朝廷烏有是事寬禍福死生於度外安吉凶
悔吝於目前他人不激則不深先生再言而再笑刀
山湯鼎已覺凜乎其傍簞食豆羹迺肯噉爾而與朝
掩滿函之墨暮燒盈籍之書奉旨出關即刻就道解
駮擊筑天唱故鄉之歌裊纜垂楊滿酌陽關之酒羸
馬逐青塵而去明公多白雲之篇此行豈是無名一

歸儘自不惡寺禽識直成呼誦士之來山獠無知亦
詫儒冠之異雖嵇康之交絕覺淵明之興佳合眼詠
離騷何心時事支頤聽蟋蟀滿耳寒聲閑領妻兒摘
黃精而尋木時傭僮僕採青蔓而鋤芋願希陋巷以
安貧無致長安之羞淚一丘一壑可以忘情山北山
南聊用卒歲緬思昔也以狂觸而萬死豈分於今得
公言以再造終身佩禹彝以思高壓華嶽沒齒存御
結之報深仰星河惟謹丹衷西屬敢即酬獻知己敷
陳罔既悚悚增深某月日望頓首

崧山書院上梁文

古者三代之學大莫大於人倫聖人百世之師尊莫
尊於夫子不有闕里之祀曷恢鄉校之規大作經營
聿新輪奐竊謂世之相去夏曰校殷曰序周曰庠道
不弛岐行同倫書同文車同軌粵自異端競起大義
繁蕪鳳兮何德之衰麟也為時而出道之將行也命
去魯衛以奚辭天之將喪斯文可春秋之不作於是
人也詠杏壇之下歌藻泮之春至亞聖之大寸尤有
功於斯道雖曰火於秦而佛於漢文尚誦其詩而讀
其書寥々朝陽奏疏之餘挺々瀛洛大儒之出一佛

瑞世五星聚奎太極一圖盡洩龜龍之秘紫陽此疑

派勃回梭疑象之偏惟徐逸平與崇憲肅為同門之

高弟得正學之親傳絲竹之音恍如昨日俎豆之事

未及百年道脉文章重振崧高之上黨庠家塾一新

麗坦之規宮牆教刃之危宗廟侈百官之富弟子三

千衆分洙泗之波冠者五六人詠舞雩之服家多經

誦人有詩書見師道之常尊續大原於不墮孰先孰

孰後去聖人之世近聖人之居斯世斯民先天下而

憂後天下而樂用歌吟語以相梓入言

拋梁東禮樂三千闕里中天使斯文歸木鐸如何不

復夢周公

拋梁西負笈資糧不用齋鏗然點瑟春風趣自樂顏

瓢陋巷低

拋梁南官將行事寄空談三千弟子皆師孔問禮何

緣到老聯

拋梁北道天從來色太極若將天地與身參上下中

間皆合德

拋梁上問三侃二於鄉黨恰如日月麗中天至於更

也人皆仰

拋梁下觀於海者難為也參乎吾一以貫之瓦礫糠

此皆土苴之後禮義由賢者出有用自遠方來人各有能有不能有教無類道則無在無不在可見而知齊歌金榜山高之詩作出玉鉉鈞調之事

宋國史秋堂柴公墓誌銘

里人蘓幼

安撰

秋堂公歿且有年矣有宋革命公為舊臣避地守貞其故交遺朋非無行義秉文之士可以志公願潛德邀跡晨星落二紀公之實考非草野外史乎公之志節昭著宇宙知之者非一人也乃謀垂之於不朽以俟夫後之知公者則余辱公知最深又烏得不銘公姓柴氏諱望字仲山號秋堂其先衛人始祖承事公諱仲繁避五代之難徙居江山四代祖諱元瞻以孝廉著稱辟於朝先從祖司封公諱天錫與弟天因同年進士能以風節立朝不附權貴嗣後太史公諱禹

聲待制公諱中行待御公諱瑾大理公諱衛承務公
諱復皆以理學政事伯仲後先柴氏蓋亦有聲矣
承務公生朝奉公諱伯之朝奉公生迪功公諱可用
迪功公生秋堂公諱生而穎異五歲能誦詩書輒不
忘甫成童博通經史諸子百家無不研究屬文葩藻
興致所逼聯珠貫玉豪邁逸發湧若云波蓋方閉戶
力學而篇什傳播中書省奏名公個儻不羈所交皆
當世知名士相與談論古今時變及經國要務皆鑿
鑿中的人是以服之淳祐六年丙午元旦日蝕詔求
中外直言公素明象數每夜占星斗時復慷慨悲歌

慷慨左右莫知其所為也及聞詔乃撰丙丁龜鑑一
十卷起周威烈王五十二年丙午止後漢高祖天福
十二年丁未自秦漢五代上下通一千二百六十年
為丙午丁未二十有一數其吉凶禍福於前指其治
亂得失於後正月書成上進忤時相意秋七月詔下
府獄逮詰凡不免時大尹尚書節齋趙公素知公忠
直上疏言柴望忠誠懇切所述根據史傳未可重以
為愆得旨放歸田里京師之人謂公讜論不容無不
歎息在時名公設祖道湧金門外時與公為文字交
者三山鄭震武吳陵建安葉元素松溪朱繼芳錢塘

翁益寅田井陳麟黃漆南康馮去辨西江趙崇端魯
原一盱江黃載汶陽周弼咸在焉晚色涵岫商颺振
林各賦詩為別公神思澹然不以得失介意愛君憂
國眷戀不忘而桑梓松菊之懷托之聲律者藹然有
度既抵家和淵明歸去辭以自遣隱長臺之高齋有
樓匾曰奇氣廳曰百容讀書鼓琴時或焚香宴坐終
日賓友至則相與笑傲物外階下蘭蕙宛然清氣逼
人就之遊者裒其神采飄々起馭風之想公性至孝
早喪父太夫人毛氏孀節授公在太學時雖晨遊結
駟無一夕不問安否解職後益加虔謹於所居重構

堂曰瑞萱堂承歡甘旨百爾務竭其衷居喪哀毀成
疾蔬食墓塊然骨立人莫能堪益其天性如此咸淳
初元兵日熾國事窮蹙公聞之輒傍徨流涕如當事
者及聞為國難死事者必為父望空以酌之觀者聳
動公家居聲名籍甚當塗屢薦之時太師賈似道專
政公弗平之遂弗起乃四意名勝登天台鴈蕩之巔
由吳江陟廬阜泛湘流探赤壁居武夷山中踰歲乃
返景炎二年端宗登極三山孔大諫舉奏薦公以布
衣直䟽前殿特旨授由功郎史館國史編校屢進䟽
論是時顛覆益甚忠志不遂鬱々成疾遂歸山中及

及宋亡元朝物色舊臣公杜門謝客獨卧一榻而感
慨激烈每於吟咏間見之其即事詩曰翠華海上知
何似白首山中空自驚又書感曰堂前舊燕歸何處
花外啼鶯月幾更其悽惋忠憤讀之可為下淚公從
弟通判隨亨制泰元亨察推元彪俱宋舊臣與公同
志趣跡不事二姓賡咏於煙露之間聲元十七年庚
辰年六十有九葬高齋山之奇氣樓下即公所居也
公娶王氏生一子希浚為宋太學生今不仕公孝友
忠義篤於好古而練達時事簡於修飾而砥礪大節
平居浩歌樽酒意氣閒逸勢利紛華一毫不入其胸

襟至死生得喪旁午於前亦莫為之動處宗族曲盡
恩意孤嫠喪葬力為周卹與人交始終不棄其高誼
德真古之豪傑也為詩文率效古法而出以已見今
所存者馳騁晉魏駕軼盛唐工小詞蘊藉風流每
與辛黃諸名家並可謂彬彬之作矣其大者則能韜
晦終身不忘故君黍離悠之懷未嘗少釋彼有抱
琵琶過別船者視公亦可以少愧矣公所著有丙丁
龜鑑道州台衣集詠史詩涼州鼓吹皆行於世銘曰
兩儀奇氣迺萃哲靈少耽文學長益精明宦時龜鑑
疏奏彤庭時與志違蒙難艱貞詔歸田里夾有芳聲

辭賡彭澤律傲杜陵鳳翔鳶躍再起策名頽波返照
國運倏傾耻在二姓迹跡林垞文章節義彪炳可徵
士林傳誦慶雲景星深不可量高匪盡稱後之稽者
其視斯銘

柴氏四隱集

宋瞻岵居士柴隨亨著

十世孫 汝貴 校刻

子謙 編次

五言律

宿表州楓林邸

維舟煙柳外風健布帆輕
雁過家千里鷓啼月五更
山川行客夢風雨故鄉情
問宿楓林晚表州第一程
夜舍聽雨

夜長難得寐况復雨淋淫
百事不如意一時都上心

客程歧路遠歸興海濤深
賴有東林社招搖賦賞音
題白雲菴

散策入禪扉愁城酒解圍
泥黃肥客屨雲淡護僧衣
心事溪相照吟情雨帶歸
未盟泉石隱林鷓背人飛

七言律

偶倚

西風獨凭闌千處可是愁
人鬢易華老木不生秋後
葉孤燈空結夜來花中原
落日無歸雁故國青山有
去鴉欲向清尊消舊恨路
迷行客正思家

江行即事

讀罷騷經手自抄
細蘭歸計勝誅茅
新蠶食葉成繭
舊燕銜泥旋補巢
菜老花隨黃
變落草長色與綠
楊
交一春過盡三之三
閒倚東風憶益郊

過道州謁周濂溪故居

有釣游石

迨：勇嶺水縈紆知是元公此
結廬老屋至今圖
太極古碑猶在勒
通書落花啼鳥春無恙
窓草池蓮景自如
閒立釣游磯上石
光風霽月滿庭除

晚春即事

又見東風吹路塵
傷心紅紫易因循
杜鵑啼歇三更
雨燕子銜歸一半春
近水夕陽憑遠樹
東家飛絮落

西隣小舟撐出前村去忽聽入聲不見人
越鎮山樓
百尺闌干最上頭杯中旗影動奎婁海通蠻島三千
國山鎮東南數百州草木更含天子氣衣冠洗晉
人羞舊來越戰吳爭事一曲漁歌起暮鷗草出蘆花
客中春晚
依：官柳暗閑情況復聽人唱渭城半夜客樓聞杜
宇一年春事又清明帆開別浦潮如雪花若東風雨
又晴光景不留人老去浮生空自歎雲萍
金陵懷古

夢覺鐘山夜半鐘自憐寒月照山翁曲後玉樹歌聲
斷數逐金陵王氣終故老更思王化北南人惟唱大
江東凭欄不見豪華事只是江豚夜起風

春詞

采蘩春日詠遲了何事于今詠黍離夜到子中分旦
氣歲從寅上授人時野花啼鳥般下意流水孤村岸
岸移且向醉中歌一曲自憐吾及疑是共吾兒堂裏

偶題

人世陰晴了未知一僮一宦自相隨已無少小樽前
夢惟有老來亂後詩花若鳥啼眠幾覺水流雲散醒

多時蟠桃結實千歲知熟黃梁幾度炊
和姜居仁感時韻
十泉石瘡煙霞吟看浮榮過眼花歸去五株彭澤
柳因來七碗玉川茶功名得失藏蕉鹿身世糊塗篆
壁蝸我亦厭喧求靜者故園且種邵平瓜
五言絕句

感題

伯夷恥周粟仲連豈帝秦清風千載上林下一閒身

昭君圖

紅顏雖命薄猶是漢宮人一上玉關道天涯淪落身

七言絕句

九日客金陵

菊雨淒淒江露涼客中無酒對重陽去年里髮今年
白不似黃花歲歲黃

春日

芳草晴時春日低櫻桃花發落亂鶯啼也應船上看
山色不似青山送馬蹄

春詞

爐煙藝盡冷衣篝長梁鐘聲半入樓燕子不歸春夢
斷刺桐花月上簾鉤

錢唐寒食

絮花如雪草如茵寒食清明處
春惆悵錢塘門外路今年又哭去年人

題趙葦江雁蕩圖

家住溫州雁蕩巔歸帆曾載買山錢
江^{錢山}新^山蘆花白好似今朝紙上船

寄疊山謝年丈

幾人同抱杞天憂戮力支撐不自由
却恨杜鵑啼血處楚囚相對泣難收

短劍悲歌浙水灣疾風吹夢到西山
應知薇蕨同滋

味莫道匡時更轍環

移松

移種青松數寸苗俯看微小識孤標
他年天矯擎寒重莫引閒藤上碧霄

雨春

稻梁收盡水田空問舍翁媪雨後春
顆粒擬輸官府稅只留糠覈過窮冬

喚渡

溽風吹暑透人肌我僕云痛我馬疲
隔渡船呼不應柳陰深處五多時

世間何水獨流清惟有箕山此一泓祇恨許由曾洗
耳却憐無處濯吾纓

古風

憶昔

憶昔長安都會地草木晴輝鐘王氣襟江帶湖氣象
雄自是天王興復際春風樓閣五鳳城玉漏聲催香
霧盈戶外昭容鶴禁開殿前執政鸞班行柳綠桃紅
湖水曲盡日歡娛猶不足画船簫鼓繞雲深彩仗旌
旗吹月色誰知世道互翻覆滄海倏變為桑田胡笳
哀怨動朝市麋鹿來游舊陌阡漢宮明妃空豔麗苑

外銅僊亦灑淚古來社稷有興亡豈識于今不平事
未忝離_迹可憐傷心回首古苔邊清明寒食誰家
酌痛哭深山聞杜鵑

和趙元鼎錢塘懷古韻

三疊體

向來錢塘歌舞地繡鞍玉勒鳴金轡風絡柳絲鶯織
翠春風一曲杜韋娘梨花窈窕歌霓裳落花緩步弓
鞋香千金買笑正踟躕回首煙浪翻五湖未忝傷心
周大夫韶聲變作笳聲長逋梅蕪柳何淒涼_半呼天
燕中腸但見燕麥搖春風_富榮華一夢中無言吐
謾書空吳越青山若照裏銅駝陌上樓荆杞翻思往

事後血指花芳對入花轉羞又為對花以轉愁花老
無香人白頭

宋建昌郡大夫柴公墓碑

賜進士第中順大夫南京都察院右僉都御史奉
勅提督操江兼管巡江前知衢州府事豐城李遂
撰

往余守衢以誌籍多缺而文獻之靡徵也則嘗博稽
故實收葺散逸以為郡乘雖簡編未就然一才之士
余蓋得以尚論而近友之矣其在宋有四柴者建昌
公其一也公家學有承筮仕不苟登寶祐四年進士
知建昌軍事守已愛民時稱循吏而任當革命之際
乃與其兄國史堂弟制泰元亨察推元彪俱隱於擇

林九磻之間蓋知時事已去不欲祿仕人稱柴氏四
隱云已而胡元物色舊臣公自以宋室遺黎恥事二
姓並不應徵辟而感情激烈時於兄弟唱酬中見之
忝離麥秀悠々之懷蓋終其身不一日釋也嗚呼士
何不幸而遭遇若此耶余讀宋史見其當國事流離
之際一時忠臣義士効命必力至沈江溺海曾不悔
恨蓋雖時移事去猶滅名邀世戀々舊君故國之思
論者以為宋禮賢養士之報果然則感遇稟知且自
要近乃或奮起孤遠期於自靖而偷生南竄忍恥北
面願平日尊寵貴勢者為之何此句誌中所改為勝

感應之不類耶蓋君子之仕也以行君臣之義是故
或遠或近或死或不死蓋均有見於義無所逃而分
當自盡而彼以為々利祿而効忠者亦淺之乎知士
矣建昌公審已揆時守貞遂識微於幾先而允蹈乎
事後雖志節未彰抑亦文謝之流亞也墓在九磻口
近若侵越縣令侯祖德直其訟責公子孫世守之公
世孫惟道乞言樹石以紀先烈余於惟道師友之誼
且守嚮未必之志故為述其大概如此公名隨亨字
剛中其世系履歷詳於柴氏家譜云又子侯鑑山集
夫事有可必者有能必者能必者必擇其人之可

必而後必之也是碑乃大司馬李襄敏必也公德
業文章為世推重斯文已刻羅斯文已刻羅山集
中余曩遊衢麓值備郡乘復登錄焉公文既垂金
石不朽而祖德當與日月爭光矣萬曆戊子晚學
柴復頁識

柴公隨亨墓誌

江山志增

豐城

李

遂

往余守衢以志籍多缺而文獻之靡徵也則嘗懷稽
古實收輯散軼以為郡乘雖簡篇未就然一方之士
尚^余蓋得以尚論而近友之矣其在宋有四柴者建昌
公其一也公家學有承筮仕不為登寶祐四年進士
知建昌軍事守已愛民時稱循吏而仕當革命之際
乃與其兄國史望弟制叅元亨察推元彪俱隱于櫟
林九磔之間蓋知時事已去不欲祿仕人稱柴氏四
隱云已而元朝物色舊臣公自以宋室遺黎恥應徵
辟而感憤激烈時于兄弟唱酬中見之黍離麥秀悠

悠之懷蓋終其身不一日釋也嗚呼士何不幸而遭
過若此耶余讀宋史見其當國事流離之際一時忠
臣義士効命畢力至沉江溺海曾不悔恨雖時移事
去猶滅名避世戀舊君故國之思論者以為宋禮
賢士之報果然則感愚酬知宜自要近乃或奮起孤
遠期于自靖顧偷生隱忍甘懷二心平日貴寵尊顯
之謂何報國之悖耶蓋君子之仕也以行其義且
無所逃分當自盡耳彼以為利祿而效忠者亦淺
之乎知士矣建昌公審已揆時守貞遂志識微于幾
先而允蹈乎事後雖志節未彰抑亦文謝之流亞歟

按此文從縣誌中錄出比之李公原本畧有刪改
蓋脩誌者潤色耳今兩存之

柴氏四隱集

宋澤臞居士柴元彪著

十世孫

汝招

校刻

十一世孫時秀編次

五言律詩

姜林居別業

崧高山下

結廬塵外境
流水繞平田
三徑故人菊
一池君子蓮
塔懸當戶月
鏡隔溪煙
自得平生趣
漁竿老渭川

錢塘懷古

百年朝市舊登覽
若為情落日銅駝
陌東風夾馬營

詩

一

路隨荆刺斷城與黍離平可惜西湖月燒燈兩度晴
丁丑偶成

燕山形勢地從古是京師宇宙人俱換山川影不移
馬語朝北路梅報向南枝臘盡春來後候榮枯各有
時

別江湖友人

相見還相別相逢未有期回園歸去日風雨正來時
莫驛客程遠牽帆峽路危寄書難到處明月雨天涯

僧房夜冷

山冷沒禁當那堪更漏長寒欺秋後扇風試夜來霜

菱白心如墨冬青子亦黃祇宜煨芋栗噉引對緇郎

七言律詩

游江郎山

世事無情幾變遷卽峰萬古依然移來渤海三山石
界斷銀河一字天云捲前川龍掛雨風生陰洞虎跑
泉羣仙縹緲來笙鶴石頂天香隨玉蓮

及第留吳門訪史君黃松岡

西江草木轉精神山谷松岡一樣清東海拾遺來汲
黯道州諫議得陽城棠開春雨花千里角動姑蘇月
五更笑指齊云天已近金鑿又聽玉珂聲

登衡山宿上封寺祝融峯
歷井桐參上祝融半空煙
靄敷聲鐘地連雲漢九千
丈天柱東南七十峯石磴懸
崖翻瀑布海門碾石上
高峰倏然身世青冥表俯立
雷池看玉龍

別茶陵士友

自來承檄到雲州恰二星霜又一周握手心知千里
月秋滿懷詩思一江秋每慙鑄錯傷完錦多謝銜杯
送別每未說河陽花蒲縣夜來風雨打田疇

勉制幹姪克家歸鄉

五年不得共團樂放浪東吳一葦間客路風波如蹈

海人心劍戟甚于山逢春回雁南應北到海歸潮去
復還今是昨非渾一夢庭柯園菊可怡顏

秋日江郎道中

荳花疎雨浥輕埃野店新涼入酒杯草帶淡煙棲古
道樹含斷靄翳荒臺湖光隱見萍分合山色有無云
去來滿眼秋光無盡意三峰萬古碧崔嵬

和同年徐清溪韻

深隱柯雲第幾峰一庭春草綠叢下西風白髮催人
老小日青袍與子同買犢只因耕帶確拂毫何必問
窮通蔗漿一洗相如渴賴有新詩送遠鴻

寄括蒼李察院

武夷山下掉歸舸九曲縈紆漲碧拖兩字功名如草

芥十年身世付蓬蒿廣陵調古知音少柯洞殘碁不

着高今日孤忠在何許托燈自讀楚人騷

和悅嘯雲雙楠法藏寺韻寺起貞觀年

我來扣角二峰前此寺因知五百年草木尚涵唐雨

露鐘魚猶鎮宋山川世情蒼狗浮雲外客思孤鴻落

日邊間拂舊題追往事我鬢僧髮兩皤然

和僧彰無文送蘭花韻時寫法藏寺

脫簪歸隱白雲深不逐時芳事在尋閒向草亭圖太

極重盟蓮社續東林春風分到靈均種臭味如同惠

遠心一卷離騷清徹骨蛩然空谷足徽音

和克家姪謝周鳳隱雪中留宿韻

遥指龜峰擬問津芒鞋踏碎玉嶙峋去程暮雪留行

客回首春風有故人三酌茅柴斟白墮一爐楮拙當

鳥薪饒他勢利相傾絕管鮑交情正在貧

和姜元哲中秋有感韻

鳥飛兔走雨悠々世事驚心易白頭月影空餘圓缺

恨人心不盡古今愁江流東去波濤險玉氣南收草

樹秋回首夕陽亭上望青山一髮渺神州

游瑤源寺和韻
游人別薛認聖珉誰是開山第一人知有法誣留席
錫元來璩叟是龍神云屏翠列懸崖樹雪瀑聲飛斷
壑津又見生公重說法祖師巖下草長春

送別中兄之官山陰先祖寺正曾主山陰簿

為愛鶯池可楔蘭榻來松下駐吟鞍一家昆弟皆臺
憲兩世翁孫此縣官風度潮聲來海口雁將秋色下
長安白雲凝竚山陰近笑策潘輿奉母歡

餞吉甫弟之維陽別駕

風樁留燕暮呢喃行李催程春又三幕府來迎晁別

駕油幢曾識李淮南江都今古英雄會宇宙中間化
育參見說監州簪芍藥早乘華步趨朝驂

七言絕句

觀梅

冷蕊疎花帶曉寒騷翁白首淡相看風殮雪虐天地
閉皦孤芳良獨難

漚麻

金鞵玉勒綺羅茵夢寐何緣到老身辛苦漚麻補衾
鐵誰知布縷又頻征

灌花

小圃辛勤植衆芳年々雨露借恩光近來天意高難
問抱甕從朝到夕陽

金珠里社
滌龜炮牲獻脂肥一卮滴酌紙錢飛提壺挈盃分肴
酒材北村南祭社歸

上中齋相公

年々長是客天涯幾向天涯夢到家歸到故家無一

字兔葵鴛粟正開花

古風

和周鳳隱止酒韻

遂古奠堪輿極々羣庶豕由蒙以至需生人飲食始
世勳華初入文日以起民用非酒醴無以供祭祀邈
求飲之源日星著經星史禮所以興寓寓意乎樽簋
不講鄉飲儀孰序燕毛齒不歌既醉篇孰頌太平美
時我世味醇黍和其在是人情縱則流此弊何涯淡
魯薄攻邯鄲商酒禍妲已歌沉玉樹荒舞罷花鈿委
鳩毒苑宴安惜不慎坤履絲華有憔悴高臺倏荆杞
恭惟崇伯子垂訓在慈旨戒荒明聖事權酷非所弛
再挽澆漓俗追軼鴻濛軌宴樂止行杯熙々大庭氏
展也滋酒人賦詩聊自止千古獨醒魂撫掌汨羅水

紙帳吟
有斐楮先生覆冒迥襟度澡身清以泚泉被世軼於
布置之山齋中朔風歲云暮無分增其奢可寶色惟
素媿彼錦步障榮華塵一聚永此雪霜潔不識羔羊
汚影橫月窓梅香透地爐茅道人何太癖新故謾細
吐勿為柔卧安高勿為莊夢相願均煥寒心以散隆
寒互

同朱山長游江郎

巖巖開天風三峯互參峙一如直躬圭兩峯拱而侍
削玉石為筆書空雲作紙嵐光動九天翠色照千里

上有碧玉蓮中有黃金鯉壁界一字天松老千年乳
鷹旋摩云根席跑流石髓禪師久入定色相如不死
靈石剖鴻荒開山自晉始威顯三直神矜饗百世祀
劫風俄扇揚梵宇忽頽圯僧來自懷玉被荆營故址
笙鶴宴羣仙鐘魚餘德士佳客賁而思空谷蛩然喜
一節事幽討萬象歸俯視山茗澹以清村醪薄而旨
對奕覆危枰投壺響飛矢盤桓蒼翠間酬酢笑談裏
歌枕自逍遙凭欄時徒倚泉琴浣我心松箏清我耳
廬山樂天翁敬亭謫仙子今昔雖殊時其樂亦如此
留為他日觀歲月端可紀

曾公人心吟

長江萬頃深風靜波自止人心僅一寸日夜風波起
桑田倏滄海汨沒勢未已安得今人心常如古井水

老農吟

襤褸田家翁鬢鏤鬢蒼白問渠年幾許不記年庚甲
自言身世居此村三十得兒孫復孫傷哉兒孫已露
電朝昏隻影空斷魂生來只是種田土田土抵今易
几至鄉村成敗歷能言英雄磨滅不知教盡日墾畝
力耕耘餉髓吹春債比隣歸來薄暮餽牛罷索絢織
履宵猶勤吁嗟兮既絕望乎鳩杖與糜粥曾不見富

人之哀我乳獨但願年豐醉鷄豚重見太平苑亦足
縱如顏都尉馬伏波老來恩寵成蹉跎蟻穴一夢今
如何貧富夭壽總如此我莫愁君莫喜好將榮辱哀
樂是非得失付與東流水

寶鏡吟

荆山已童若耶涸若耶可採山可鑿金精少皞不敢
秘鑑坳飛就歐冶錯祝融燔燔干戈芒玄冥洗光萬
里燂冷侵鸞鏡影自舞泓澈鬼神膽欲落圓象曜靈
絳氣浮玉臺懸處風颭山入一玩一心駭毛骨竦
豎難貯留直微千金就我賣拂拭高堂向入掛我行

鏡中入亦行我拜鏡中入我一笑問君誰假真人在
鏡中亦一笑惟我與君同一照入照我休照形照
出人心方是明

擊壤歌

擊壤歌擊壤歌仰觀俯察如吾何西海摩月鏡東海
弄日珠一聲長嘯天地老請君聽我歌何如君不見
丹溪牧羊兒服苓餐松入令華又不見武陵捕魚者
艤舟綠岸訪桃花高入一去世運傾或者附勢類飢
鷹况是東方天未白非鷄之鳴蒼蠅聲朝集金張暮
許史蠖蠓鏡裏寄死生犀渠象孤詣時好干將鏌鋇

埋豐城失固不足悲得亦不足驚秋花落後春花發
世間何物無枯榮十年漂泊到如今一窮殆盡援投
林平生舒卷雲無心儀古縱存甘暗噫吁嘻豪豬
韞青兕裘一談笑頃即封侯後魚鱉得泣前魚子之
非恩奪非離眼前富貴湏年少吾將老矣行且休
休以俯視八尺軀滄海漱一粟憶昔垂九齡牽衣覓
李粟回頭華髮何蕭々百年光陰如轉燭乃歌曰不
編茅兮住白雲不脫蓑兮臥黃仰天拊缶呼鳥々
手持鷓夷兮薦醺醪乃廢載歌曰招夷齊兮採薇拉
園綺兮茹芝折簡子陵兮羊裘披袂文靈均兮佩瓊

枝敢問諸君若處廟廊時食前方丈侍妾數百得志
為志而弗為
送姪一齋游武林
柯鷗退飛杭不魚滄海翻覆桑田墟長安草木成焦
枯黯黯落日栖平蕪淒涼往事增歎歎子長一部太
史書寄在名山大澤區之子安肯侶樵漁有琴一張
酒一壺胸中雲夢八九瀟灑雪奔電千里途大鵬擊
水九萬圖十年騎鶴來上都宮陌燕相喧呼回首一
夢今何如太行羊腸九折迂出門欲往如鸞拘願予
老矣僕馬痛甘心首陽採薇夫之子春風曳長裾西

湖為問訊學士蘓孤山為我起居處士逋二僊笑我
猶故吾楊柳黯淡梅花癯之子此行出有車抱村珍
重如璫璵青萍出匣蛟可屠白髮倚門望不孤不妨
早賦歸來乎歸來兮老萊斑衣膝下相歡娛

襪線稿自叙

襪線無寸長見者短之余兄歸田翁汲沅渡淮遊赤
壁登廬阜客西湖三十年以吞吐山川之奇靡與乾

坤清氣諸老交盟以詩晚年僅得刪餘二百篇曰
道州台衣猶未免乎短而疎芳之嫌也余待歸田翁
吟几間又三十年雖家庭短護粗繩三尺其如伎倆
短之又短何非詩之難而工之難也昔韓昭以文名
乎蜀李台殿朝之曰韓八座事藝如折襪線無一寸
長吁余詩類是因以襪線名吾稿而後知台衣之言
未若吾襪線之短為之甚云宋逋臣柴元彪炳中甫
識

柴氏四隱集

宋澤臞居士柴元彪著

十世孫汝招校刻

詩餘

唱金樓

咸淳癸酉茶陵燈夕時
文、山為湖南提刑

春到雲州蜜恰梅花雪後鑲牕寒悄鼓吹喧天燈市
鬧在處鼇山蓬島正新歲金鷄唱曉一點魁星光燄
裏這水晶庭院知多少鳴鳳舞洞簫嬌太平官府
人嬉笑道紫微魁星聚會參差聯照借地栽花河陽
縣桃李芳菲正好暖沁入東風池沼百里樓臺天不

夜看祥煙瑞霧相繚繞生意滿翠庭草

水龍吟

己卯中秋寓玉山章泉趙石礪家相留為延桂把菊之會

秋雲元自無心那會繫得歸心住陽關酒盡灞橋人

遠也須別去有哀雁聲愁蛩切切悄地聽人語

回首琵琶恨嘆西風興如許江左百年風流云散不

堪重舉怎得歸來樵歌互答自相容與又何須三五

蟾光重陽風雨

踏莎行

戊寅秋客中懷錢塘舊游

淡柳平蕪亂煙疎雨雁聲叫徹蘆花渚亭前落葉又

西風斷送離懷無著處切切歸盈尺素斷魂正

在西興渡滿船空載暮愁來潮頭一和推將去

蝶戀花

己卯菊節得家書欲歸未得

去年走馬章臺路送酒無人寂寞黃花雨又是重陽

秋欲暮西風此恨誰分付無限歸心歸不去却夢

佳人約我花間住驀地覺來無覓處雁聲叫斷瀟湘

浦

蕪幕遮

客中獨坐

晚晴初斜照裏遠水連天外帆千里高樓誰獨倚

滴若梧桐一片相思淚馬又嘶風又起斷續寒砧

又送黃昏至明月照人々不睡愁雁聲々更切愁人耳

入海棠春 客中感懷
陽關可是登高路算到底不如歸去時節近重陽那
更黃花雨 酒病懶 羈愁縷 且是沒入分許何
似白雲深更向深處

惜分飛 客懷

候館天寒燈半滅對着燈兒淚咽此恨難分說能禁
几度黃花別 乍轉寒更敲未歇蛩語更添淒惻今
夜歸心切砧聲敲碎誰家月

高陽臺

懷錢塘舊游

丹碧歸老天荒地老駸 華髮相催見說錢塘北高

峰更崔嵬瓊林侍宴簪花處二十年滿地蒼苔倩阿
誰為我起居坡柳逋梅 淒涼往事休重省且凭欄
感慨撫景銜杯冷暖由天任他花謝花開知心只有
西湖月尚依 照我徘徊更多情不問朝昏潮去潮
來

柴氏四隱集終

柴氏四隱公集後序

曩探漢乘迄新莽竊據炎鼎也徵聘之車軌接轂擊
當時貢符獻瑞者充溢于庭惟龔勝以殺身明節薛
方以詭辭免禍雖死生異狀而舍迹歸心均之皎不
不降不辱也從而追惟祖德若四隱公者丁宋陽九
懷寸抱德彙征于讒諂蔽明之朝編國史而燭象緯
於几先守建昌而戒衣衾于保障設授以指縱委之
干城豈不能鞠躬王事騁舟履險折箸為械以當一
面而與張陸文山輩殞身厓海喪首柴市也哉迺丙
丁之鑑一上觸忤權奸寘之於理遂使鶴鴿之巢同

毀于颺舉鴻漸之羽高出於雲達已無官守之責矣
是以五馬之奔與剖心者殊轍而孔父俱稱其仁誠
有以原其心也隱公抱杞國之憂則忠犯主怒傷未
泰之離則悲形廢詠戀舊君之懷則橫集涕淚雖危
入恥其獨割欲漫之腥羶而樽俎之志靡越蓋放而
不怨非若知蘓臺游鹿而扶目以觀也徐而莫逃非
若知智氏將亡而易姓以避也逃想其高義即武羅
楊清於拜浞元虎標潔於季奴殆無以過矣至於緒
言遺什有如蘭菊不以幽僻不芳而松柏雅節足以
希蹤張陸比之萍方尤為貞而不詭者未有聞而揚

之故畧其文不論而論其大俾千百載之後聞之者
皆因之以有立云爾

萬曆戊子仲冬望日十一世孫復貞書于萬卷樓中
刻柴氏四隱公集跋

夫守西山之節者不挫飄杵之威蹈東海之高者豈
怵吞鯨之勢蓋志義脩則生不知愛死不知惡奚啻
銖視軒冕已耶荷柴氏之有四隱公也樹德臣隣繩
規往哲參之夷連異世同軌願故老之口已絕傳聞
而青簡之編復多殘缺雲初來昆澤斬於服盡遺言
在系昧者視為菅蒯達者比之絲麻是以若沒若存

斷而復續余為此懼用登之副墨庶幾幽德之光
而不泯而儀刑之志一觸目而如在矣

萬曆戊子孟冬朔十一世孫時秀書于清溪碧沼館

中

四隱小傳 江山縣志增

柴望字仲山衢之江山人以布衣伏闕上書及進丙

丁龜鑑錄忤權臣下獄以趙汝愚申救獲旨放歸未

幾瑞宗登極強起授以國文志不行旋隱山中與弟

隨亨元亨元處終日唱和忠憤激烈情見乎辭世稱

柴氏四隱云所著有道卅台衣集秋堂稿

柴隨亨字瞻祀任長臺幼穎異七歲能文名馳江左

稍長登文天祥榜進士第知建昌軍事後隱居不仕

柴元亨字吉甫幼試神童科免解赴省與兄隨亨同

登進士初任春陵令累官至朝散大夫轉監丞荆湖

大叅制隨後隱居檉林九磔之間大柴元彪號澤臞

兩浙名賢錄

柴蒙亨長臺人以神童聞端平二年初赴省從幸六

和寺上指塔云一塔七層八面萬佛千燈蒙亨應教

云孤舟雙葉片帆五湖四海

按蒙亨殆即元亨隨

亨兄弟行但不知長臺即江山別稱否俟改

長臺江

山縣地名 花飲

萬曆戊戌冬所江趙太史都中寄贈四隱十

一世孫志道詩

宋室傾移運君家四隱堅乾坤歸震蕩日月滅腥羶

削職孤忠裏投荒九死邊翠華遙痛哭可共首陽傳

又一柴氏四隱集是小堂山所藏末有龔翔麟跋曰
是集為歷年刊本流傳絕少近從東莊呂氏借得黃
俞卽跋尾之集為胡君致果所詒經茂之林隱急閱
過洵善本也又有吳焯跋曰四隱君皆氏望與隨亨
元亨元彪並兄弟行也望上丙丁龜鑑所忤時相為
文嵩之京尹論尹論枝者為趙與憲此據宋史及咸
淳臨安志職官表隨亨登寶祐四年文天祥榜進士
元亨為曰榜進士元彪登咸淳四年陳文龍榜進士
並見三衢志此補集中之未備也集序稱元亨以官
曰制參而望之詩中有送監丞弟平江陵閩則元亨

韜授官監丞序稱元彪曰察推亦本之望詩題中二
二君無碑傳可攷故官闕翳如其子姓亦未之攷頃
復貞編此集時張斗序之斗序雖之得四隱公集而
讀之而復貞序已前云吉甫公集無傳則元亨集原闕
其實只三人集而以四隱之名繫之也四急名節甚
高集內諸篇頗可誦志乘畧不傳其人內府錄宋
詩人最廣日望之外餘促無問焉此集在世間希矣
此田居侍御玉玲瓏閣舊本柴子佩璜為田居之甥
謀刻之以廣其廣傳將以揚其宗風也為手校而歸
之雍正丙午小陽春蟬花居士吳焯書又曰望集內

有上京尹一書此正進丙丁龜鑑因而下臨安府獄
京尹論救得釋有比啟謝今江山玉指京尹為趙汝
愚按望進書之年為理寄淳祐六年是歲丙午考臨
安玉職官表白淳祐元年四月命趙與憲知臨安府
至十二年正月始罷剛論救望者與憲也汝愚卒于
寧宗慶元二年距淳祐之六年已遠陽五十一年矣
此集後當搜錄去乘家譜恐仍其語著辨于此焯再
記

書名	柴氏回隱集	
冊數	1	版別 舊抄本
定價	5.00	
編號	南字第1452號	

北京市圖書出版業同業公會印製

Large stylized watermark characters, likely '北京圖書館藏' (Beijing Library Collection).

Faint vertical text columns, likely bleed-through from the reverse side of the page. The characters are mostly illegible due to fading.

北京圖書館藏

圖書藏

9371

